

**2010-mut nammineerluni nalunaarsuiffimmut (S1) nalunaajaat****Kikkut 2010-mut nammineerluni nalunaarsuiffimmik immersuisussaappat?**

Inuit 2010-mi nunatsinnut akileraartussaataasimagunik, tamarmik 2010-mut nammineerluni nalunaarsuiffimmik nassiussisussaangillat.

Isertitanut paasissutissat aalajangersimasut ilaat 2010-mut nammineerluni nalunaarsuiffimmut Akileraartarnermut Aqutsisoqarfimmit ikkussorneqareerput. Paasissutissat ikkussuunneqartut aningaasannorlugit katinneri nammineerluni nalunaarsuiffimmi sammasani ataasiakkaani nalunaarsorsimapput. Paasissutissat ikkussoriikkat ajunnginersut misissussavatit.

Paasissutissat nammineerluni nalunaarsuiffimmi ikkussoreersimasut eqqortuuppata aamalu ilassutissaqanngikkuvit, nammineerluni nalunaarsuiffiup nassiunnissaa pisariaqanngilaq.

Sulineramik inuussutissarsiutilinnut soraarnerussutisialinnullu amerlanerpaanut paasissutissat ikkussoriikkat naammassapput. Taamaattumik inuit pineqartut taakkua qulakkiissavaat paasissutissat eqqortuunersut, taamalu eqqortuuppata tamakkiisuuppatalu iliuseqaq-qinnissaq pisariaqarani.

Tamatuma saniatigut atuuppoq sulineramik inuussutissarsiutilinnut killilimmik akileraartussaataasunut, nammineerluni nalunaarsuiffik nassiuttariaqanngimmassuk immikkut pissutsinik atuuttoqartinnagu. Kalaallit Nunaannut killilimmik akileraartussaataavit assersuutigalugu pigisamik aalaakkaasumik attartortitannik pigisaqarlutit, taava nammineerluni nalunaarsuiffimmik Akileraartarnermut Aqutsisoqarfimmut nassiussissaatit.

Nunap immikkoortortuani akileraaruseriffimmi (imaluunniit kommuunip saaffiginnittarfiani) paasissutissat sukumiinerusut pissarsiarineqarsinnaapput. Nammineerluni nalunaarsuiffik qupperneq 1-imi allassimavoq innuttaasoq nunap immikkoortuani akileraaruseriffik sorlermut atanerlutik.

**Nammineerluni nalunaarsuiffiup nassiunnera**

Ukioq manna nammineerluni nalunnarsuiffik innuttaasut allakkatigut, telefax, e-mail aqqutigalugu nassiussinnaavaat imaluunniit Akileraartarnermut Aqutsisoqarfiup nammineq-toortaalluni-aaqqiinera [www.aka.gl](http://www.aka.gl)-imiittoq atorlugu allannguuteqarnikkut, ilassuteqarnikkut imaluunniit nammineq nalunaarsuiffik akuerineratigut.

Nammineerluni nalunaarsuiffiup saqqaani isissutissaq naqereersimavoq, taanna inuup normalu atorlugu allannguuteqarsinnaanermut [il.il](http://il.il). isissutaassaaq.

Nammineerluni nalunaarsuiffik nammineq aggiukkukku, atsiornissaa eqqaamassavat.

**Aappariit katissimasut**

Aappariit katissimasut piffissamilu ukiup naanerani inooqatigiikkunik immikkut 2010-mut nammineerluni nalunaarsuummik nassiussissapput, taamaattorli takuuk qulaani immersugassamik immersuisussat pillugit allaaserisaq.

Aappariit 2010-mi ataatsimut akileraartussaataitaangillat.

**Meeqqat**

Meeqqat 1. januar 2010-mi suli 15-inik ukioqalersimangitsut, nalinginnaasumik nammineerluni nalunaarsuiffik immersuisussaangikkaluarpit. Akileraaruteqaataasussanilli aningaasarsiaqarsimagunik, aningaasarsiatik il.il. pillugit nammineerluni nalunaarsuiffik immersussaavaat. Immersugassamik nassitissimangikkunik, nunap immikkoortuani akileraaruseriffimmut imaluunniit kommunip saaffiginnittarfianut saaffiginnikkut pisinnaavaat.

**Nammineerluni nalunaarsuiffimmi suut ilanngunneqassappat?**

2010-mi isertitatit akileraaruteqaataasussat aningaasartuutillu ilanngaaticineqarsinnaasut tamaasa ilanngutissavatit. 2010-mi ukiup ilaannaa akileraartussaasimaguvit, piffissami tassaniinnaq isertitat il.il. ilanngutissavatit.

Akileraartarnermut Aqutsisoqarfiup ersarissassavaa, nammineerluni nalunaarsuiffimmi paasissutissanik mianersuaalliorluni eqqunngitsumik paasinerluutaasinnaasumilluunniit nalunaarsuisoqarpat, pineqaatissanik pillaateqartitsineqassammat.

**Aningaasarsiat B-t akileraarutitaqanngitsut aammalu ilanngaataalajangersimasoq**

Sammisat taakkua nalunaarsuiffissaqanngillat. Qarasaasianik akileraarusiinermi atortoris-saarutaasunik naatsorsorneqarlutillu ilanngaaticinissaat isumagineqassapput aningaasarsiat akileraaruteqaataasussat naatsorsorneqarneranni.

2010-mi aningaasarsiat B-t akileraarusigassaangitsut annertussuseqarput 5.000 koruunit aammalu ilanngaataalajangersimasoq inummut ataatsimut 10.000 koruuninik annertussuseqarluni. Kisitsisit taakkua ukiumoortuupput. Taamaattumik ukioq ilivitoq inorlugu akileraartussaataasimaguvit piffissamut tassunga naleqquttumik kisitsisit millilerneqassapput.

Aappariit aappaata aningaasarsiat B-t akileraarutitaqanngitsut imaluunniit ilangaataalajangersimasoq aningaasarsiat akileraaruteqaataasussat naatsornerini tamakkiisumik atorsinnaanngippagit atunngitsuukkat qaraasaasiatigut ingerlaannartumik aappariit aappaanut nuussineq pissaaq.

Aningaasarsiat B-t akileraarutitaqanngitsut imaluunniit ilanngaataalajangersimasoq aappariit atorsinnaanngippatigut nuussineq pinaviannngilaq.

**Nalornisaqarpit?**

Nammineerluni nalunaarsuiffiup immersornissaanut nalornissuteqaruvit, nunap immikkoortuani akileraaruseriffimmut imaluunniit kommuuninni saaffiginnittarfimmut apeqqu-teqarsinnaavutit.

Taamaattoq nammineerluni nalunaarsuiffik aammalu una ilitsersuut atuarukku, nalinginnaasumik eqqortumik immersorsinnaassavat.

## Nammineerluni nalunaarsuiffimmi (qupperneq 3 aamma 4) sammisanut ataasiakkaanut nalunaajaatit

- 10** Sammisami tassani 2010-mi aningaasarsiat A-t katinneri Akileraartarnermut Aqutsisoqarfiup nalunaarsorpai. Aningaasat naqeriikkami taaneqartut isumaqatiginngikkukkit sammisaq 10-mi eqqortut nalunaarsussavatit.
- Aningaasarsiat amerlanertigut aningaasarsiat allagartaani sammisaq 31-miittumi aamma sammisaq 36-miittumi takuneqarsinnaapput, sulisitsisorisannit januar 2011-mi pissarsiarisanni.
- Sulisitsisorisat pisussaaitaavoq akissarsiat allagartaanik tunniussissalluni, tassani isertitarisimasat ukiumoortut il.il. takuneqarsinnaapput. Pisussaaitaavutit isertitarisimasat tamakkiisut nammineerluni nalunaarsuiffimmut nalunaarsussallugit, akissarsiat allagartaat ukiumoortut pissarsiarisimangikkaluarlugilluunniit. Tamaaliorisinnaavutit ukiup ingerlanerani aningaasarsiat allagartaat pissarsiarisimasatit tunngavigalugit.
- Akileraartarnermut Aqutsisoqarfiup nammineq-toortaalluni-aaqqiissutaa [www.aka.gl](http://www.aka.gl)-imiittoq atorlugu akissarsiat allagartaat nalunaarutigineqarsimasut nalunaarsorsimani takusinnaavatit.
- 11** Sammisami tassani 2010-mi pisariaqartitsineq tunngavigalugu ikiorsiissutit katinneri Akileraartarnermut Aqutsisoqarfiup nalunaarsorpai. Aningaasat taakku isertitat A-upput, kisiannili akileraaruteqaataasussat naatsorsorneqarneranni immikkut naatsorsueriaatsinik maleruagassaqarlutik.
- Aningaasarsiat akissarsiat allagartaani, sulisitsisorisannit januar 2011-mi tigusimasanni, sammisaq 37-mi takuneqarsinnaapput.
- Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 11-mut nalunaarutigissavatit.
- 18** Sammisami tassani GIS-imit/DIS-imit isertitatit tamakkiisut Akileraartarnermut Aqutsisoqarfiup nalunaarsorpai. Aningaasarsiat allagartaani, sulisitsisorisannit januar 2011-mi tigusimasanni, sammisaq 35-mi takuneqarsinnaapput.
- Aningaasat taakku isertitat A-upput, kisiannili akileraaruteqaataasussat naatsorsorneqarneranni immikkut naatsorsueriaatsinik maleruagassaqarlutik.
- Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 18-imut nalunaarutigissavatit.
- 19** Allanik A-nik isertitaqarsimaguvit sammisaq 19-imi nalunaarsussavatit.
- 20** Erniasiat Kalaallit Nunaanniit, Danmark-imit imaluunniit nunanit allaneersut ilanngunneqassapput.
- Sammisaq 20-mi aningaaserivimmi uninngasuutinit erniasiat Akileraartarnermut Aqutsisoqarfiup nalunaarsorpai. Taakku tassaasinnaapput aningaasarsianut konto-miit, ileqqaa-gaqarnermi konto, kiisalu konto meeqqanut ileqqaaqartitsinermi aaqqiinnerneersut assigisaa-

nilu.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 20-mut nalunaarutigissavatit.

Suliffiuteqarnermit erniasiat sammisaq 126 qupperneq 4-miittumi nalunaarsorneqassapput

Malugeqquneqarpoq **danskit aningaaseriviini assigisaanilu** soraarnerussutisiaqarnissamut aaqqissuussinernit (assersuutigalugu taaneqarsinnaapput: ileqqaakkat soraarninngornermi agguaqatigiissaarlugit tunniunneqartartut, ileqqaakkat tunniunneqalernerminni akit nikerarneri tunngavigalugit angissusilerneqartussat, soraarnerussutisiaqalernissamut ileqqaakkat, soraarninngornermi ataatsikkut tunniunneqartussat) aamma soraarninngornissamut ileqqaakkat nammineq annertussusii aalajangikkat) kiisalu Lønmodtagernes Dyrtidsfondimi uningasuuqit erniaat aningaasarsiat akileraaruteqaataasussat naatsorsorneqarnerini ilanngunneqassanngimmata.

**Akileraartussaataitaanerup aallartinnerani imaluunniit toqumik pissuteqanngitsumik kipinerani erniatigut isertitat piffissamut akileraartussaasup akileraartussaaffigisaanut tunngassuteqartut aningaasarsiat akileraaruteqaataasussat naatsorsornerqarnerini ilanngunneqassapput.**

**Assersuut 1:** Akileraartussaataitaaneq **aallartippoq** 1/7-mi. Erniatigut isertitat ukiumoorut 6.000 koruuniupput. Piffissamut 1/4 2010-miit 31/3 2011-mut ulloq ernialiiffiusoq tassaavoq 31/3 2011.

Piffissami akileraartussaataitaaffimmi (1/7-miit 31/12-imut) ernialiunneqartut	0 kr.
Erniatigut isertitat piffissamut akileraartussaataitaaffimmut tunngasut: kr. 6.000/12 x 6 =	<u>3.000 kr.</u>
Ukiumi tikiffimmi (akileraartussaataitaanerup allartiffiani) erniatigut isertitat akileraarusersorneqartussat	<b><u>3.000 kr.</u></b>

Ukioq 2010 tamaat akileraartussaagaanni, akileraartussaataitaanerlu kipilluni 31/12 2010-mi, taava 2010-mut erniatigut isertitat akileraaruserneqartussat ima naatsorsorneqassapput:

2011-mi erniatigut isertitat (31/3-mi)	6.000 kr.
taakkunanga 2011-mut tunngassuteqartut: kr. 6.000/12 x 3 =	- <u>1.500 kr.</u>
Erniatigut isertitat 2010-mi akileraarusersorneqartussat	<b><u>4.500 kr.</u></b>

**Assersuut 2:** Akileraartussaataitaaneq **kipivoq** 31/8-imi. Erniatigut isertitat ukiumoorut 9.750 koruuniupput. Piffissamut 1/1-imiit 31/12 2010-mut ulloq ernialiiffiusoq tassaavoq 31/12 2010.

Piffissami akileraartussaataitaaffimmi (1/1-imiit 31/8-imut) ernialiunneqartut	0 kr.
Erniatigut isertitat piffissamut akileraartussaataitaaffimmut tunngassuteqartut: kr. 9.750/12 x 8 =	<u>6.500 kr.</u>
Ukiumi aallarffimmi (akileraartussaataitaanerup kipiffiani) erniatigut isertitat akileraarusersorneqartussat	<b><u>6.500 kr.</u></b>

Inatsisartut inatsisaanni nr. 18, 3. november 1994-imeersukkut pisassarisanit, Akileraartarnermut Aqutsisoqarfiup angissusiligaanit erniat minnerpaaffissaannit ikinnerusunik ernialerlugit pilersinneqartunit, iluanaarutit – nalinga qaffariarnerisigut – akileraaruser-sorneqartarneri pillugit malittarisassat atulersinneqarput. Malittarisassaq pisassarisanut 4. oktober 1994-imi kingusinnerusumiluunniit tunineqartunut, akilernerqartunut makinneqartunulluunniit sunniuteqarpoq. Aalajangersagaq inatsimmi qulaani taaneqartumiitqoq Inatsisartut inatsisaanni nr. 12, 2. november 2006-imeersumi ingerlateqqinneqarpoq.

**21** Nunatsinniit, Danmarkimiit imaluuniit nunanit allanit erniasiat ilanngunneqassapput.

Sammissaq 21-mi obligationininit imaluunniit qularnaveeqqusiusaarluni taarsigassarsinermi allagartat toqqorsivimmiittunit erniasiat Akileraartarnermut Aqutsisoqarfiup nalunaarsorpai.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 21-mut nalunaarutigissavatit.

Aammalu sammissaq 20-mi nalunaajaatit takukkit.

**29** Erniatigut isertitat allat nunatsinniit, Danmarkimiit nunanilu allaneersut tamarmik ilanngunneqassapput sammissaq 29-milu nalunaarsorneqassallutik.

Aammalu sammissaq 20-mi nalunaajaatit takukkit.

**30** Sammisami tassani 2010-mi ilinniagaqarnermi tapiissutisarisimasat Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2011-mi tigusimasanni, sammissaq 39-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 30-mut nalunaarutigissavatit.

Ilinniqaarnersiutit aningaasarsiat B-upput.

**31** Sammisami tassani 2010-mi ilaqutariinni inissiisarnermi paaqqinninersiutit Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2011-mi tigusimasanni, sammissaq 38-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 31-mut nalunaarutigissavatit.

Ilaqutariinni inissiisarnermi paaqqinninersiutit saniatigut assersuutigalugu atuakkiortut aningaasarsiarisimasat assigisaalluunniit aningaasarsiat B-tut 2010-mi isertitat, sammissaq 31-mi nalunaarsorneqassapput.

- 32 2010-mi aapparimasamat angajoqqaajusumilluunniit akilersuutisianik il.il. pissarsisimaguvit sammisaq 32-mi nalunaarsussavatit.
- 33 2010-mi aktiat danskit nuni allaneersunillu iluanaarutaannik pissarsisimaguvit sammisaq 33-mi nalunaarsorneqassapput.  
Iluanaarutisiannik Danmarkimit imaluunniit nunanit allaneersunit iluanaarutisianik akileraarusigaasimaguvit, qinnuvigineqarputit akileraarsimanermut uppersaammik nunap immikkoortortaani akileraaruseriffimmut nassiusseqqullutit, inaarutaasumik naatsorsuinnermi nunani allani akileraarsimaneq ilaaniassammat.
- 39 Allani aningaasarsiat B-nik isertitaqarsimaguvit, soorlu nunatsinni pigisaaq aalaakkaasumit isertitat, nunatsinni inissiap nalinga nammineq pigisaaq aalaakkaasumit, tunissutit akileraaruteqaataasussat kiisalu 2010-mi akeqanngitsumik angalanerit akileraaruteqaataasussat, isertitat taamaattut sammisaq 39-mi nalunaarsorneqassapput. Taamaattorli Kalaallit Nunaata avataani pigisamat aalaakkaasumit isertitat ilanngunneqassanngillat.
- Aningaasarsiat akissarsiat allagartaani, sulisitsisorisannit januar 2011-mi tigusimasanni, sammisaq 33-mi takuneqarsinnaapput.
- Nammineq illummi inigisap aningaasatigut nalinga aatsaat ilanngunneqartassaaq illu marlunnik amerlanerusunilluunniit najugassaqarpat (lejlighede0qarpat) imaluunniit minnerpaamik illup affaa, imaluunniit illup ilaa 100 kvadratmeteri inuutissarsiormut atornerqarpat. Akileraarusiineqassappat Kalaallit Nunaanni inissianut attartortittakkanut maleruagassatut akigitat atuuttut il.il. najoqqutarineqassapput. Maleruagassatut akigitat taakku nunap immikkoortortaani allaffimmi imaluunniit kommunimi saaffiginnittarfirmut paasiniarneqarsinnaapput.
- Ukiumoortumik angalatitaaneq sulisitsisunit privatinit pisortanilluunniit akilernerqartoq Kalaallit Nunaanni tjenestemandimut maleruagassat atuuttut naapertorlugit akileraaruteqaataasussaannilaq.
- Kalaallit Nunaanni tjenestemandinut maleruagassat atuuttut sinnerlugit sulisitsisunit akilernerqartumik akeqanngitsumik angalatitaaguit angalanerit tamakku nalingat inummut ataatsimut angalanermut ataatsimut 15.100 koruuninik naatsorsorlugit ilanngutissavatit, taamaattorli meeqqamut 2-11-nik ukiulimmut meeqqamut ataatsimut 7.550 koruunit marlunnillu ukioqalersimannngsumut ataatsimut 1.510 koruunit.
- Inuit kommunit aggornerisa avataanni atorfeqartut, soorlu Pituffimmi akeqanngitsumik angalanerat, Naalakkersuisut aalajangerpaat akeqanngitsumik angalanerit nalingat akileraaruteqartinneqassagunik inummut ataatsimut angalanermut ataatsimut 2.000 koruuniussasoq.
- Angalanerli ingerlanneqarsimappat uppersaattissalimmik siuliini taaneqartunit akikinnerusumik, taava akikinnerusumik angalasimanerup nalinga kisimi akileraarusersorneqassaaq.
- 40 Tassani 2010-mi akeqanngitsumik ilaannakortumilluunniit nerisaqarnerup Akileraartarnermut Aqutsisoqarfiup nalunaarsorpaa, sulisitsisorisannit akissarsiat allagartaani nalunaarutigineqartut tunngavigalugit.

**Sulinermut atatillugu akeqanngitsumik nerisaqarnerup nalinga inummut ataatsimut ukiumut:**

Nerisaqarneq ukiumut..... 30.500 kr.

Tamakkiisumik nerisaqarneq ullormut. .... 87 kr.

Ilaannakortumik nerisaqarneq ullormut (nerisat marluk)... 65 kr.

Ilaannakortumik nerisaqarneq ullormut (nerineq ataaseq). 47 kr.

**Soraarnerussutisialinnut il.il. akeqanngitsumik nerisaqarnerup nalinga:**

Utoqqaat illuini najugaqartunut inuillu allat isumaginninnermi inissiisarfirmiittut il.il. akeqanngitsumik nerisaqarnerisa nalinga inummut ataatsimut ukiumut 24.300 koruuninut annertussusilerneqarpoq.

Atorfeqartitaasup ullut qassit nerisaqartitaasimanersooq nalinginnaasumik akissarsiap allagartaani A 11-mi takuneqarsinnaavoq. Aningaasarsiat akileraaruteqaataasussat naatsorsornerini atugassaq akinut naligititanullu takussutissiaq skema S 2a-mi allattorsimapput, taannalu aamma [www.aka.gl](http://www.aka.gl)-mi takuneqarsinnaavoq. Akiusut taakkua ukioq naallugu atuuttuupput, taamaattumik ukioq ilivitsooq inorlugu nerisaqartinneqarsimagaanni piffissamat tassunga naleqquttumik kisitsisit millilerneqassap-put.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaaq 40-mut nalunaarutigissavatit.

41

Sammisami tassani 2010-mi akeqanngitsumik ilaannakortumilluunniit akilerlugu ineqarneq Akileraartarnermut Aqutsisoqarfiup nalunaarsorpaa, sulisitsisorisannit akissarsiavit allagartaani nalunaarutigineqartut tunngavigalugit.

Akeqanngitsumik ineqarneq ineeqqami, inissiaaqqami (ineeraq igaffeerartalik) assigisaaniluunniit inissiaavittut taaneqarsinnaanngitsumi, 2010-mut nalinga annertussusilerneqarpoq 14.200 koruuninut. Pisortaatitanut, hoteldirektørinut assigisaanullu, immikkut naliilussaq atuuppoq, akeqanngitsumik najugaqarsimagaanni. Inummut ataatsimut ukiumut nalinga 49.700 koruuniuvoq. Kisianni meeqqat ukiup aningaasarsiorfiup aallartinnerani 12-inik ukioqalersimanngitsut akiusup affaanut naatsorsuunneqassapput. Immikkut pisutissaqartillugu akiusut sanioqqunneqarsinnaapput.

Aningaasat annertussusaat naqeriikkamiittut isumaqatiginngikkukkit, sammisaaq 41-mi aningaasat eqqortut nalunaarsussavatit.

42

Sammisami tassani 2010-mi akeqanngitsumik imaluunniit ilaannakortumik akilerlugu ineqarneq Akileraartarnermut Aqutsisoqarfiup nalunaarsorpaa, sulisitsisorisannit akissarsiavit allagartaani nalunaarutigineqartut tunngavigalugit.

Akeqanngitsumik ilaannakortumilluunniit akilerlugu inigisaq atuisumut akileraaruserorneqassaaq. Nalinga akileraaruserorneqartussaq inigisamat akiliutaasimasup inissianullu attartortakkanut 31. december 2010-mi akigitat pineqartut nunap immikkoortuani akileraaruseriffimmut imaluunniit kommunimi saaffiginnittarfimmut paasinierneqarsinnaapput, immikkulli pissutissaqartillugu akiusut sanioqqunneqarsinnaapput.

Taakku saniatigut kallerup innerata, kiassarnerup (uuliap) imeqarnerulluunniit nalingi ilanngunneqassapput pineqartut sulisitsisumit akilerneqartarsimappata.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 42-mut nalunaarutigissavatit.

43

Sammisami tassani 2010-mi akeqanngitsumik ilaannakortumilluunniit akilerlugu telefoneqartitaarup nalinga Akileraartarnermut Aqutsisoqarfiup nalunaarsorpaa, sulisitsisorisannit akissarsiaavit allagartaani nalunaarutigineqartut tunngavigalugit.

Akeqanngitsumik telefoneqartitaanerup inummut ataatsimut ukiumut 6.000 koruuninik naleqarpoq.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 43-mut nalunaarutigissavatit.

44

Sammisami tassani 2010-mi akeqanngitsumik ilaannakortumilluunniit akilerlugu biileqartitaanerup nalinga Akileraartarnermut Aqutsisoqarfiup nalunaarsorpaa, sulisitsisorisannit akissarsiaavit allagartaani nalunaarutigineqartut tunngavigalugit.

Qamutit motoorillit sulisitsisumit atugassaritineqartut nalingat tassani ilanngunneqassaaq. Naligititaq ukiumoortoq aallaavigalugu ilanngunneqartassaaq. Taanna naligitineqartoq millilerneqarsinnaavoq ukiup ilaannaa atorfeqartitaanerup nalaani privatimik atugassaritineqarsimappat imaluunniit atorneqarsinnaanera aqqusineqarnikkut il.il. annertuumik killeqartinneqaraangat.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 44-mut nalunaarutigissavatit.

49

2010-mi atorfeqarninnut atatillugu allanik akeqanngitsunik ajunngitsorsiaqartitaasimaguvit nalingi sammissaq 49-mi nalunaarsorneqassapput.

50

Akiitsut erniaat taakkunungalugu atatillugu sullissinermut matussutissatut ingerlaavartumik ernialiuttakkat ilanngaatineqarsinnaapput, matumani apeqqutaatinnagu akiitsut inuutissarsiornermi privatimilluunniit taarsigassarsiaaneri. Erniat il.il. inuussutissarsiornermi taarsiassarsiat sammissaq 126 qupperneq 4-miittumi nalunaarsorneqassapput.

Ernianut aningaasartuutit akiitsut pigisanik aalaakkaasunik qularnaveeqqusiilluni taarsigassarsisitsisarfinneersunit sammissaq 50-imi Akileraartarnermut Aqutsisoqarfiup nalunaarsorpai.

Aningaasat naqeriikkami taaneqartut isumaqatiginngikkukkit, kisitsisit eqqortut sammissaq 50-imut nalunaarutigissavatit.

Naafferartumik akilersugassatut pisiaqarsimanermi ernialiunneqartartut aamma pigisat aalaakkaasut Kalaallit Nunaanni inissisimasut qularnaveeqqusiullugit taarsigassarsiat erniaat ilanngaatineqarsinnaapput.

Kisianni pigisat aalaakkaasoq Kalaallit Nunaata avataani inissisimasoq qularnaveeqqusiullugu taarsigassarsiat erniaat ilanngaatineqarsinnaanngillat.

Akiitsut erniaat 2010-mi akiligassanngorsimasut kisimik ilanngaatineqarsinnaapput.

**Akileraartussaaitaanerup allartinnerani imaluunniit toqumik pissuteqanngitsumik kipinerani erniatigut aningaasartuutit piffissamut akileraartussaasup akileraartussaaffigisaanut tunngassuteqartut aningaasarsiat akileraaruteqaataasussat naatsorneqarnerini ilanngaatigineqassapput.**

**Assersuut 1:** Akileraartussaaitaaneq **aallartippoq** 1/6-mi. Qaammatit pingasukkaarlugit ernialiisoqartarpoq. Ullut ernialiiffiusut 31/3, 30/6, 30/9 aamma 31/12. Kingumoortumik ernialiunneqarsimapput 2.189 koruunit, 2.010 koruunit, 1.987 koruunit kiisalu 1.904 koruunit.

Piffissami akileraartussaaitaaffimmi (1/6-miit 31/12-imut) erniatigut aningaasartuutit akiligassanngortut:	
kr. 2.010 + kr. 1.987 + kr. 1.904 =	5.901 kr.
Taakkunannga 1/4-miit 31/5-imut attuumassuteqartut:	
kr. 2.010/ 3 x 2	-1.340 kr.
Ukiumi tikiffimmi (akileraartussaaitaanerup aallartiffiani) erniatigut aningaasartuutit ilanngaatissat	<b><u>4.561 kr.</u></b>

**Assersuut 2:** Akileraartussaaitaaneq **kipivoq** 3/11-imi. Qaammatit pingasukkaarlugit ernialiisoqartarpoq. Ullut ernialiiffiusut tassaapput 31/3, 30/6, 30/9 aamma 31/12. Kingumoortumik ernialiunneqarsimapput 2.100 koruunit, 2.000 koruunit 1.980 koruunit kiisalu 1.900 koruunit.

Ernianut aningaasartuutit ukioq tamaat	<u>7.980 kr.</u>
Piffissamut akileraartussaaitaaffimmut (1/1-miit 3/11-imut) attuumassuteqartut: 31/3-mi, 30/6-mi 30/9-mi akiligassanngortut tamakkiisumik ilanngaatigineqassapput	6.080 kr.
Piffissamut 1/10-miit 3/11-mut attuumassuteqartut ilanngullugit ilanngaatigineqassapput: kr. 1.900/92 x 34 (ullut amerlass.)	<u>702 kr.</u>
Ukiumi aallarffimmi (akileraartussaaitaanerup kipiffiani) erniatigut aningaasartuutit ilanngaatissat	<b><u>6.782 kr.</u></b>

51

Akiitsuut inuutissarsiutinut imaluunniit namminermt tunngasuuppata, akiitsut erniaat ilanngaatigineqarsinnaaput. Akiitsut inuutissarsiutinut tunngasut erniaat sammisami 126 qupp. 4-mi allanneqassapput.

Aningaaserivinnut, kontoqarnermt aaqjissuuusaaq qularnaveeqqusiussaarlunilu akiitsoqarnermi akiitsut erniai tamarmiusut Akileraartarnermt Aqutsisoqarfiup sammisaaq 51-imi paasissutissiissutigai.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaaq 51-imut nalunaarutigissavatit.

Ammali sammisaaq 50-imi oqaaseqaatit takukkit.

52

Akiitsuut Inuutissarsiutinut imaluunniit namminermt tunngasuuppata, akiitsut erniaat ilanngaatigineqarsinnaaput. Akiitsut inuutissarsiutinut tunngasut erniaat sammisami 126 qupp. 4-mi allanneqassapput.

2010-mi ESU-mut (Inuussutissarsiutinut tapiisarnermut ataatsimiititaliaq) akiitsuppit erniaasa katinneri Akileraartarnermut Aqutsisoqarfiup sammisaq 51-imi paasissutissiissutigai.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 52-imut nalunaarutigissavatit.

Aammali sammisaq 50-imi oqaaseqaatit takukkit.

53

Akiitsut Inuutissarsiutinut imaluunniit namminermut tunngasuuppata, akiitsut erniaat ilanngaatineqarsinnaaput. Akiitsut inuutissarsiutinut tunngasut erniaat sammisami 126 b qupp. 4-mi allanneqassapput.

2010-mi BSU-mut (initaarniarnermut tapiisarnermut ataatsimiititaliaq) akiitsorisavit erniaasa katinneri Akileraartarnermut Aqutsisoqarfiup sammisaq 51-imi paasissutissiissutigai.

Initaarniarnermut tapiissutinik attartukkat erniaannut atatillugu – kapitel II atukkat – erniaasa ilanngaatineqarsinnaanerat immikkut maleruagassaqartinneqarput, tassa erniat attartortup nammineq akiligassai kisimik ilanngaatineqarsinnaammata. Akiligassat allagartaani takuneqarsinaavoq.

Aammali sammisaq 50-imi oqaaseqaatit takukkit.

59

Akiitsut allat erniai uani nalunaarutigineqassapput.

Aammali sammisaq 50-imi oqaaseqaatit takukkit

60

Sulineramik inuussutissarsiuteqartut peqatigiiffiinut ilaasortaanermut akiliut, aningaasarsiat akileraaruteqaataasussat naatsorsornerani ilanngaatineqarsinnaavoq, suliffissaaruk-kallarnermulli sillimmat (A-kasse) kiisalu utoqqalinersiuteqarneq sioqqullugu soraarnerussutisiassanut ileqqaarutit (efterlønsbidrag) ilanngaatineqarsinnaanngillat.

61

Soraarnerussutisiatigut inuunermullu sillimmasiissutitigut aqqqissuussinernut ingerlaavartumik inuuneq tamaat, toqunikkut unittussanik, pisartagaqarfingineqartartussanut akilersuutit, tamakkununga ilanngullugit aapparisaq qitornallu soraarnerussutisiassanit pisartagaqartinnissaannut kiisalu innarluutilittut ingerlaavartumik soraarnerussutisiassanut akilersuutit, taamaattorli ukiup aningaasarsiorfiup ilaani akilersuutit ilanngaatineqarsinnaasut annerpaaffissaat tassaassalluni piffissami tassani akissarsiat tamarmiusut 15 procentiat.

Soraarnerussutisiaqarnissamut akilersuutit sulisitsisup (sulisitsisup akilersuutinut tapiliussai ilanngullugit) akilertarpagit taakku ilanngaatit allanneqassanngillat, tassa taakku aningaasarsiat A-nit ilanngaatineqareersarmata

Soraarnerussutisiaqarnissamut aqqqissuussinernut akilersuutit nunani allani ingerlatsivinneersut (Nunatta qallunaat nunaatalu avataaniittut) ilanngaatineqarsinnaanngillat.

62

Aapparimasamut qitornanulluunniit akilersuutit aningaasarsiat akileraaruteqaataasus-sat naatsorsornerani ilanngaatigineqarsinnaapput.

Ilanngaataassaappat piunasaqaatavoq akilersorneqartoq najugaqatigineqassanngitsiq aammalu akilersuutit ukiumi aningaasarsiorfiusumi akiligassanngorsimallutillu akilerne-qarsimanissaat.

63

2010-mi ilaqutariinni inissiisarnermi paaqqinninersiutit katinneri Akileraartarnermut Aqutsisoqarfiup sammisaq 63-imi paasissutissiisutigai.

**Ulluunerani paaqqinnittarnermi isertitat** (dagpleje indkomst) tallimararterutai (1/5) uppernarsaatitaqanngitsumik ilanngaatigineqarsinnaapput, taamaattorli annerpaamik meeraq ataaseq qaammammut 925 kr.

**Utaqqiisaasumik ilaqutariinni** (akut familiepleje) aammalu **paaqqinninnermi oqili-saassinermullu aningaasarsiat** (aflastningsvederlag) nalingi ilanngaatigineqarsinnaap-put.

**Unnuaanerani paaqqinnittarnermi** (døgnpleje) aningaasarsiat uppernarsaatitaqanngit-sumik ilanngaatigineqarsinnaapput nalinginnaasumik tunngaviusumik paaqqinninnermi aningaasarsiarititaasartut (eet plejevederlag) annertoqataat (meeqqanik inuusuttunillu ikiorsiisarneq pillugu Namminersornerullutik oqartussat nalunaarutaanni nr. 32, 14. de-cember 2006-imeersumi § 23 naapertorlugu tunniunneqartut). Aningaasartuutillu nali-nginnaasumik tunngaviusumik paaqqinninnermi aningaasarsianit annertuneruppata taar-siullugu ilanngaatigineqarsinnaapput aningaasartuutit uppernarsaatitallit.

Aningaasat naqeriikkami taaneqartut isumaqatiginnikkukkit, kisitsisit eqqortut sammi-saq 63-imut nalunaarutigissavatit.

69

Aningaasartuutit ilanngaatigineqarsinnaasut allat sammisaq 69-imut nalunaarutigisinnaa-vatit (aningaasartuutilli Kalaallit Nunaata avataani pigisamut aalaakkaasumut tunngasut ilanngaatigineqarsinnaanngillat):

**Parnaarussanik isumaginninnermi aningaasartuutit** uppernarsaatitaqanngitsumik ilanngaatigineqarsinnaapput ulloq unnuarlu parnaarussamut ataatsimut 130 kr.

**Nerisaqarnermut najugaqarnermullu aningaasartuutit ilanngaatiginerat**

Akileraartartoq suliaminut nalinginnaasumut atatillugu najukkami/angerlarsimaffimmi (Kalaallit Nunaanni) avataaniippat, tamatumangalu atatillugu nerisanut il.il. immikkut aningaasartuuteqartariaqarsimappat (takuuk imm. a) kiisalu immikkut najugaqarnermut aningaasartuuteqarsimappat (takuuk imm. b) taamaattut **uppersaatitalerneqarsimasut** ilanngaatigitinneqarsinnaapput.

Ilanngaateqartitsisoqarsinnaanngilarli angalanermi ullormusiaqartitsisoqarpat imaluunniit angalanermut tapisiaqartitsineqarpat akileraartarnermi inatsimmi § 34, imm. 1, nr. 8 malil-lugu akileraaruteqaataasussaannngitsunik.

**Nerisanut il.il. immikkut aningaasartuutit.**

Qanoq atsigisumik immikkut aningaasartuuteqarnermut najoqqutassaq ullormut ataatsimut immikkut aningaasartuuteqarsimaneq uppersaasikkap "akeqanngitsumik nerisaqarnerup nalinga"-nut naleqqiunneqarnera, taamaalillunilu akiliutip "akeqanngitsumik nerisaqarnerup"-mut Naalackersuisut ullormut naliliussaanut naleqqiullugu sippuutaa ilan-ngaatigitinneqarsinnaavoq.

**Najugaqarnermut immikkut aningaasartuutit.**

Kalaallit Nunaanni illoqarfittut angerlarsimaffiup/nalinginnaasumik suliffiup avataani najugaqarnermi akeqanngitsumik inissaqartitsisoqartillugu - sulisitsisumiit, imaluunniit taassuma ineqarneq akilerpagu - taassuma nalinga akileraaruserneqassanngilaq, akilerartartup pineqartup initoqqani/najugatoqqani pigiinnarpagu.

**Akileraarutitigut amigartoorutit ilanngaatit atunngitsuukkat 2004-miit 2008-imut.**

90

**Pisuussutit**

Nakkutilliinermut tunngatillugu tamakkiisumik akileraartussaataasut, aningaasarsiat B-t akilerauteqaataasussaannngitsut sipporlugit B-nik aningaasarsiallit pisuussutitik nalunaarutigissavaat. Pisuussutit akileraaruserneqassanngillat.

Pigisatit nalillit naligitaaasoq malillugu sammisaq 90-imi nalunaarutigissavatit, ilaatigut aningaaserivinni uninngasuutit il.il. aktiat, aningaasaliissartunik piginneqatigiiffimmi uninngasuutit allallu.

Uninngasuutit ilaasa nalingi Akileraartarnermut Aqutsisoqarfiup paasissutissatut ikkuteererpai, kisianni annertussusai mississortariaqassavatit. Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 90-imi nalunaarutigissavatit.

91

Namminersortutut ingerlataqaruit sammisaq 91-imi nammineq ingerlatannut aningaasaliissutitit tamaasa nalunaarutigissavatit.

92

Akiitsut tamarmiusut, aningaaserivinnut, kontoqarnermut aaqqissuussanut, isumannaatsumik qularnaveeqquteqarluni taarsigassarsisarfinnut (reakredit), BSU-mut aamma ESU-mut allanullu, sammisaq 92-imi nalunaarutigissavatit.

Akiitsut ilaasa nalingi Akileraartarnermut Aqutsisoqarfiup paasissutissatut ikkutereerpai, kisianni annertussusai mississortariaqassavatit. Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 92-imi nalunaarutigissavatit.

98

Nunatsinni pigisaqaruit nalilimmik, illumik, sammisaq 98 angissavat.

99

Nunatta avataani pigisaqaruit nalilimmik, illumik, sammisaq 99 angissavat.

100

Uani namminersorluni ingerlatap IIN-normua/GER-normua allassavat.

Namminersorluni ingerlatanik arlariinnik immikkut IIN-normulinnik/GER-normulinnik ingerlataqaruit IIN-normut/GER-normut immikkut tamarmik skemanut nalunaarutigineqassapput.

- 101** Namminersorluni ingerlataq ukiup ingerlanerani unissimappat (krydsileruk).
- Krydsiliinermi paasitissavat namminersorluni ingerlatap unitsinnera, ilaatigullu isumaqarpoq namminersorluni ingerlatap IIN-mi/GER-mi nalunaarsorfimmiit peerneqarmissaa.
- 102** Naatsorsuutit naatsorsuuserisumit ikiorteqarluni suliarineqarsimappata (krydsileruk).
- Krydsiliinermi paasitissavat, naatsorsuutit naatsorsuuserinermik ilisimasaqartumik ikiorteqarnikkut naammassineqarsimanerat.
- 103** Nangaassuteqarneq /naatsorsuuserisup nalunaarummini paasissutissatut ilassutai (krydsileruk).
- ”AAP”-mik krydsiliinermi paasitissavat, naatsorsuutini naatsorsuuserisup nalunaarummini nangaassuteqarmat imaaluunniit paasissutissanik ilassuteqarmat.
- ”NAAMIK”-mik krydsiliinermi paasitissavat, naatsorsuutini naatsorsuuserisup nalunaarummini nangaassuteqanngitsoq imaaluunniit paasissutissanik ilassutissaqanngitsoq.
- 104** Aningaasarsiat akileraaruteqaataasussat naatsorsonerani naatsorsuuserisumit ikiorteqarluni suliarineqarsimappata ”AAP” krydsileruk.
- ”AAP”-mik krydsiliinermi paasitissavat, aningaasarsiat akileraaruteqaataasussat naatsorsonerani akileraartarnermik paasisimasalimmik ikiorteqarluni suliarineqarsimammata.
- 105** Krydsiliinikkut paasitissavat,
- 1) Namminersorluni ingerlatami biileqarmat naamminerisamillu atorneqartarmata.
  - 2) Ukiup ingerlanerani nammineq nioqqutissanik atuisoqartarmat.
  - 3) Naatsorsuutini ilanngunneqarsimammatt nammineq atuinerit allat, soorlu innaallagissamut, imeqarnermut kiassarnermut, umiatsiaqarnermullu ingerlatsinermi aningaasartuutit namminermut tunngatinneqartut annertussusai il.il
  - 3) krydsilerneqarsimappat malugiuk sammisami suunera nalunaassagakku.
- 120** Naaminersorluni ingerlatap kaaviiartitai nalunaarutigissavatit. Malugiuk, kaaviiartitat naalunaarukku ukiup aallartinnerani naanerani ilinnut akiitsullit ilanngutissagakkit.
- Aalisartut piniartunullu kalaalimineerniarfinnut, nerisaqarfinnut inuinnarnut allanullu tunisat tamarmiusut pineqarput.
- 121** Ukiup ingerlanerani tunitsivinnut tunisat tamarmiusut nalingi nalunaarutigissavatit.
- Akileraartarnermut Aqutsisoqarfiup paasissutissat tigusimasani tunngavigalugit 2010-mi tunitsivinnut tunisat tamarmiusut katinnerat nalunaarsimavai.
- Aningaasat naqeriikkami taaneqartut isumaqatiginngikkukkit, kisitsisit eqqortut sammisag 121-mut nalunaarutigissavatit.

- 122** Namminersorluni ingerlatap nioqutissanik atuinera nalunaarutigineqassaaq, soorlu nioqutissiassanik pisineq, nioqutissiassanut atugassanik pisineq, nioqutissanik poortuinerullu pisiat. Eqqaamassavat quimi uninngasuutit annertusinerat/annikillineralluuniit naleqqussaartigissagakku.
- 123** Namminersorluni ingerlap ingerlatsinermi aningaasartuutai tamarmiusut nalunaarutigineqassapput, tassa akissarsisitsinerit, allaffissornermut, angallassinermut, telefonimut, aningaasartuutit il.il.
- 124** Akileraartarnermi nalikilliliinerit tamarmiusut nalunaarutigissavatit. Nalikilliliinerit naatsorsuutini sukumiisumik ersersinneqassapput imaluunniit skema S10-mi nammineerluni nalunaarummut ilanngunneqartumi.
- 125 a aamma b** Immikkut ittumik iluanaaruteqartoqarpat / aningaasartuuteqartoqarpat nalunaarutigissavatit. Tassaassinnaapput pigisap nalillip tunineqarneratigut iluanaarut annaasarluunnit, assigisaallu. Aammalu aningaasartuutit allanut inissikkuminaatsut taassunga inissinneqarsinnaapput.
- 126 a aamma b** Namminersorluni ingerlatap ukiumi erniatigut isertitai ernianullu aningaasartuutai nalunaarutigissavatit.
- Malugiuk, naaminersorluni ingerlatamit erniasiat nalunaarutigineqartut, sammisani 20-29 immaluunniit 50-59-imi nalunnaarneqassanngimmata. ESU-mit taarsigassarsiat erniasiai namminersorluni ingerlatami ilanngunneqassappata, taava sammisq 52-imi kisitsit allanneqarsimasoq 0-inngorlugu iluarsineqassaaq.
- 127** Namminersorluni ingerlatap iluanaarutaa akileraaruteqaataasussaq nalunaarutigissavat. Iluanaarut sammisani 120 - 126 ataatsimut katinneqarneri assigissavaat. Amigartooruutaappat minusimik nalunaarneqassaaq.
- 128** Namminersorluni ingerlatap iluanaarutaanik piginneqataarnermusiat procentinngorlugu nalunaarugissavat. 100 % -mik nalunaarsimagukku sammisami 127-mi nalunaarneqarsimasumit tamakkiisumik akileraartinneqassaatit. Procentinngorlugu nalunaarutigisat 100-mik mikineruppat tamaallaat isertitatut nalunnaarutigineqartup procentinngorlugu nalunaarutigineqartup nalinganit akileraartinneqassaatit, piumasaqaataalluni namminersorluni ingerlatap GER-mi arlariinnik pigineqartumik nalunaarutigineqarsimanissaa. (GER / IIN (Inuutissarsiummik Ingerlataqartunik Nalunaarsuiffik).
- Procentinngornagu aningaasanngorluguli nalunaarutigigukku tassaangaaniit akileraartinneqassaatit piumasaqaatit qulaani taaneqartut naammaseqarsimappata.
- 129** Atortutigut pigisat nalillit nalingisa katinneri nalunaarutigineqassapput (tigussaangitsut tigussaasullu pigisat aamma aningaasaqarnikkut) soorlu pioreersup pitsaaqutaa (goodwill), illut, maskiinat pequtit il.il.
- 130** Namminersorluni ingerlatap kaaviiartitsinermi pigisai tammarmiusut nalunaarutigissavatit, soorlu quimi uninngasut nalingi, ilinnut akiligassallit nalingi aningaasallu tigorianaanaat annertussusai.

- 131** Namminersorluni ingerlatamut nammineq aningaasaliissutigisaq uninngasuut nalunaarutigissavat.
- 132** Namminersorluni pigisat nalillit tamarmiusut katinnerisa qanorlu aningaasalersorneqarnerisa tamarmiusut katinnerisa naligiissinerat nalunaarutigissavat.
- 140** Nunatta avataani akileraarutininik akiligaqarsimaguit ”AAP” krydsilissavat ilanngullugulu akileraarfinnut akiliisimanermit uppersaat.
- 150** Ukiup ingerlanerani illumik, umiatsiamik, biilininik kiisalu pequtininik annertuunik imaluunniit kingornussanik, tunissummik sillimmasiisarfinniillu aningaasarsisimaguit tassunga ilanngullugit soraarnerussutisiassanut ataasiaannarluni ataatsikkut tunniunneqartusanut ileqqaakkat (kapitalpension) uani nalunaarutigissavatit.
- Kiisalu immikkut oqaaseqaatit uani sammisami nalunaarsinnaavatit.
- 160** Uani sammisami piunaffigineqarputit aningaaserivippit nalunaarsorneqarnerata normua (reg.nr.) kontonormullu nalunaarutigissagitit. Taava utertuussagaluaruit kingusinnerpaamik 1. september 2011 tugunissai qulakkeersinnaavatit.